


清詩人徵略




庫文閣内			
函	架	冊	號
三	一	三	三
二	六	八	七
一	二	五	五
			漢書類

庫文閣内			
函	架	冊	號
三	一	三	三
二	六	八	七
一	二	五	五
			漢書類

五十九卷

内閣文庫		
番號	漢	3875
冊數	16 (16)	
函號	290	36





人

國朝詩人徵略卷五十五

番禺張維屏子樹輯

張惠言

字皋文江南武進人嘉慶四年進士官翰林院編修有茗柯文編

張皋文編修以經術為古文於是求天地陰陽消息于易虞氏求古先聖王禮樂制度於禮鄭氏

室文集

編修所著書元為刊其周易虞氏義虞氏消息儀禮圖其友李生甫張雲藻又為刊其文集而屬序

國朝詩人徵略卷五十五

於元因闡編修素所持論俾後之學為文者決擇焉若其文之不遁於虛無不溺於華藻不傷於支離則又知言者所共喻也上同

皋文前後七試禮部而後遇散館奉

旨以部屬用朱文正公珪特奏改授翰林院編修文正屢進達之而皋文斷斷以善相諍文正言

天子當以寬大得民皋文言

國家承平百餘年至仁涵育遠出漢唐宋之上吏民習于寬大故奸孽萌芽其間宜大伸罰以肅內外之政文正言

天子當優有過大臣皋文言庸猥之輩倖致通顯復壞

朝廷法度惜全之何用文正喜進淹雅之士皋文言

當進內治官府外治疆場者皋文少為辭賦嘗擬

司馬相如揚雄之言及壯為古文效韓氏愈歐陽

氏修言易主虞氏翻言禮主鄭氏元嘗曰文章末

也為人非表裏純白豈足為第一流哉大雲山房文稿

皋文先生自言居京師盡棄置曩時所習詩賦不

為而為古文三年乃稍稍得之今觀茗柯遺文雖

不多而言皆有物且氣骨極似昌黎惜乎其年不

永其志未竟耳聽松廬文鈔

茗柯論文云法有盡而意無窮此語足為執死法以言文者進一解

摘句 馬馳千里足人看一城花

許宗彥

字積卿號周生浙江德清人嘉慶四年進士官兵部主事有鑑止水齋集

周生穎悟非常讀書日數行下稍長博通墳典自經史詩詞而外如小學算術醫方梵筭靡不涉獵尤深於古文本於宋之南豐明之遵巖理實而氣空學充而辭達嘗從其尊人方伯君徧歷滇黔東

粵山水之勝故瀏覽之作亦多超越湖海詩傳

宗彥以為經義之大者十數事前人聚訟數千年未了今日豈復能了之就令自謂能了亦萬不能

見信當時取必後世鑑止水齋文集

西士彌納和為余言近三十年測得五星外尚有一星形小而行遲在赤道規上約八十餘年可一周天若能測定此星可因以紀赤道攷歲差然此非一人一世所能候故自來星官家皆未言及即西人亦今始知之余偶讀大集經云大星宿其數有八所謂歲星熒惑星鎮星太白星辰星日月

星荷邏侯星則西士所測其荷邏侯星與上同
兩漢功曹掾史皆擇邑之高望者補之六朝時令
史猶重至明而吏始與士分途天下有以操守稱
官者矣未聞以操守稱吏也無高名之可慕無厚
祿之可望則彼所夙夜用心以治事者安得不唯
利是圖乎官或朝暮更易而吏累世相傳官深居
于府寺吏散處于民間其可以欺詐之勢十倍于
官官之強幹者百事或察其二三昏庸之徒乃如
木偶寄坐而欲治之善不亦難乎今欲吏不為奸
則莫若高其品使士人為之士人為吏習知政務

無迂懦不曉事之患其于治道必有裨益上同

周生駕部題船山詩草有云一代詩才指可屈黎
黃孫洪皆傑出筆底尋常迴萬牛眼中往往無前
哲如君真足與之敵尊黎於黃孫洪之前其傾倒
於二樵可謂至矣而周生又云二樵論詩最膺服
錢少宗伯蘅石先生聽松廬詩話

周生送女于歸陳氏有句云便同遠別悲歡有如
此新人德貌兼譚康侯曰此可謂有譽女癖上同

標題 題五代史吳越世家後五古 贈別平叔五古

題黎二樵五百四峯草堂詩七古

摘句 道古苟無識多識亦奚為頗怪博雅士擔
撫期無遺成書每充棟母乃鈔胥疑何為
任耳目轉欲廢心思

有懷誰能已發言乃為詩聲音本自然悟
者自得之

人間春短花偏怨心上秋多月亦憐

風擁亂雲歸遠嶂虹收斷雨放斜陽

天上人間大歡喜兩心如一定情時

水流花謝歸何有愛海空添一滴波

人間名滿不稱意得失晚年心自知

姚文田

字秋農浙江歸安人嘉慶四年

賜進士第一人官禮部尚書諡文僖有邃雅堂集

公年十八入湖州府學乾隆五十四年己酉鄉試

中式舉人五十九年淀津獻賦

召試一等一名授內閣中書嘉慶四年己未入軍機處行

走是科成進士

殿試一甲一名及第五年充廣東鄉試正考官六年

充福建鄉試正考官提督廣東學政十二年充山

東鄉試正考官十五年提督河南學政十八年奉

命入直

南書房二十二年充丁丑科會試副總裁二十四年
 提督江蘇學政道光五年充乙酉科順天鄉試副
 考官七年七月補授禮部尚書十月以疾卒年七
 十八公屢司文柄洵陟崇班生平持己端方居官清
 慎百數十年來學人盛談攷據多尊漢儒詆宋儒
 公獨持議謂三代以上其道皆本堯舜得孔孟氏
 而明三代以下其道皆本孔孟得宋諸儒而傳五
 代以後人道不至陵夷者宋諸儒之力至其著述
 之書豈得遂無一誤然文字小差漢唐先儒亦多

有之未足以為詬病

詳見集中宋諸儒論

公宗法宋儒然於

漢學亦未嘗不究心也公所著有易原春秋日月

表說文聲系說文考異諸書公夙留意天文占驗

之學嘉慶十八年林清事未起彗橫入紫微垣近

歲彗見南斗下主外夷兵事公皆先言之

聽松廬文鈔

姚文信公奏議有極剴切者節錄之其言曰督撫

藩臬迎新送舊如衙署之整理館舍之儲待無論

其本管上司卽例以賓主情誼亦不能盡廢既履

任後通省官員紛紛晉謁事又必不可已在大吏

自以為秋毫不擾而不知耗費已多矣且大吏抵

任之初諸務尙未周知迨莅事稍久然後人才之賢否以明風俗之澆淳以辨方將稍有設施而瓜代者已至亦有更事未深之人纔一莅事動議更張以此博振作之名不知地方情形均未諳悉見爲極利而他弊已隨其後故不如久於其任次第圖之之爲得也又曰自古圖治之要惟以任人爲本近日科條過於煩密如某縣得一循吏忽有四叅被議之案不能不罷斥又如地稱難理非得人不能勝任然才優者或有處分合例者人僅中下亦不能不俾之受事是爲例議所格而吏治皆不

得人似亦宜稍爲變計者也又曰自數年來開上控之端於是刁民得逞其奸彼見獄詞可以聳聽則多牽引其所不快者以陷害之胥吏惟利是圖則又多方株連以困抗之衣食粗足之家一經官訟連染雖立見昭雪而資產已蕩然矣彼所訐控不過一人而牽涉常至十數受吏胥之折辱甚至瘐死而道斃後雖處原告之人以極刑於被誣者何補推

國家慎刑之意亦曰恐有冤抑耳然一案未結而事外之被累者相繼是一冤未雪而含冤者且數十

人也又奏漕務情形曰乾隆三十年以前無所謂
浮收之事是時無物不賤官民皆裕其後生齒愈
繁用度日絀於是諸弊漸生然在州縣亦有不能
不如此者所得廉俸公項斷不敷用自開倉至兌
運其修整倉廩蘆席板片及幕友家人書役修飯
工食費已不貲加以運丁需索津貼日甚一日至
其署中大小公事一到即須出錢料理又如辦一
徒罪之犯自初詳至結案約須費至百數十金案
愈大則費愈多復有遞解人犯運送餉鞘事事皆
須費用伊等熟思他弊一破勢必獲咎愈重不如

浮收尚為上下皆知其藉此以肥身家者不能謂
其必無要之不得已而為此蓋亦不少臣見近日
言事者動稱不肖州縣竊思州縣亦人耳何至一
行作吏便至行同苟賤此又州縣不能上達之實

情也

松心
日錄

標題 歸度庾嶺在梅花中行竟日七

摘句 舊時燕子誰家屋前度桃花載酒人

簾淨小童晨薙草枕香侍女夜藏花

金菁蘭

字春汀廣東番禺人嘉慶五年舉人官知縣

君身長日秀微髭性伉爽有膽略其戚俛行鹽廣
西之富川延君理埠務富川僻處山中多深林荒
筭君暇好出遊一夕被酒踏月行數里同行者欲
返君興未已復行隔林遙見一巨人霧中面目不
甚可辨下體毛鬚鬚然同行者大驚反走君屹立
不動大呼曰有山魃木客能來與金春汀一談乎
君發聲洪亮山響相答怪倏不見大笑而返又嘗
行荒徑見蝦蟆與蜈蚣鬪蝦蟆大如盤蜈蚣長及
尺兩物昂首若吐氣相角者久之蝦蟆跳而去視
蜈蚣則已斃矣君謂蜈蚣蓋氣盡而斃也君解鹽

餉返羊城時三水縣界有盜藪客船不敢獨行君
語舟人但風順卽揚帆賊來吾以鳥鎗擊之於是
君立船頭單舸竟過嘉慶庚申舉於鄉戊辰大挑
一等分發直隸是秋于役山海關值中秋君登樓
舒眺飲酒賦詩自言平生勝遊以此爲最署盧龍
縣事以道遠不能迎養遂乞假歸數年病卒年
三十有八論者咸謂君以有用之才不幸短折爲
可惜也

聽松廬
文鈔

君之先浙人尊甫奉直公商籍諸生以食指繁業
鹽筴每歲延師課子必致敬盡禮君兄弟以文字

相切劘以故秋榜春官聯翩輝映君之兄茂園明

經菁藜藝圃兵部菁莪從兄鍾山茂才菁英樸齋

明經菁華弟醴香中翰菁茅裳繡司馬菁藻一門

之內友愛怡怡二十年來君及諸昆先後下世今

存者醴香裳繡兩君年華方盛堂構克承教子姪

以讀書為先務謝樹阮林方興未艾人謂奉直公

積善尊師之報云余既為君作傳復詳綴君昆季

以見天倫之樂如君者蓋亦未易多覲焉同上

摘句 山海關前月盧龍塞上人

白鷺新秧裏烏犍淺水中

樂 鈞

字元淑號蓮裳江西臨川人嘉慶五年舉人有

集

余有病起懷人詩琴鳴太史為補圖樂元淑題絕

句云離羣病鶴強昂頭半憶鵝鸞半鷺鷥報道沈

郎腰帶緩藥烟千縷是新愁靈芬館詩話

蓮裳初名宮譜少日喜為奇麗之文曾撰耳食錄

一書壯歲韻語益工兼工駢體既登賢書屢試不

第憶辛未春闈後訪余于萬明寺既而彼此報罷

出都遂不復相見聞其彙筆江湖為諸侯客鬱鬱

不得志竟佗僚以終才士偃蹇自古歎之然其詩文足以傳世珠光劍氣詎受塵埋以之位置於蓉

裳芙初之間允堪伯仲

聽松廬文鈔

余過南昌冒雨登岸購蓮裳詩文集弗得

松軒隨筆

標題 謁潮州韓文公祠

七古

摘句 任筆兼沈詩在古常寥寥

守關用一夫萬騎空偃蹇時平虛地利斥

堠上苔蘚

羊蹠嶺

劉彬華

字藻林號樸石廣東番禺人嘉慶六年進士官翰

林院編修有玉壺山房詩文集

君幼穎悟好學乾隆丙午補博士弟子員是科舉

于鄉同榜謝君啓祚年九十四君年十六一老一

少時人以爲美談嘉慶辛酉成進士改庶吉士散

館授編修請假歸省以贈公不及見爲恨時母太

孺人多病以故二十餘年未嘗再入都先後主端

溪越華講席越華向設生童正外課五十餘名君

請於大吏增額至一百五十餘名書院掌教六年

國朝言行錄卷五十三
有成效者例得奏請議敘諸生欲聯呈以請君亟
止之曰授徒儒者分內事得免素餐幸矣何議敘
爲平居樂行善事如通六脈渠倡卹廢會修通志
修貢院大吏皆商於君君皆贊成之任事不辭勞
亦不與人爭交久能敬雖橫逆之來不校也君事
親能養志友愛兩弟弟歿撫從子如所生而君晚
年乃連喪三子悲傷抑鬱未幾遂卒年五十有九
遺囑不鼓樂不買水不作佛事家祭母殺生出殯
人夫母得過百人母刻行狀母撰墓誌母刻詩文
集卒之日知交無不歎惜之詩曰言念君子溫其

如玉斷章贈君君無愧焉聽松廬文鈔

樸石所選嶺南羣雅幾於家有其書嶺海詩鈔

標題 過飛來峽古七 題李氏三忠傳後古五 初

春集翠園古七 廬陵王氏兩世孝子歌古七

摘句 書聲符讀夜詩意鼎來時

架滿詩書畫客兼儒佛仙

潮聲朝暮雨帆影去來雲

一代奇謀山聚米千秋遺烈柱標銅馬伏波廟

吏部文潮先徒鱷右軍筆陣偶籠鸞

絕域先零原屬國將軍大樹是征西西藏平

苦吟人似寒山瘦久客裝如落葉輕
待完婚嫁應垂老猶賸詩書未赤貧

海天高唱赤城曉風月獨韻松廬秋

贈張南山

方元鵬

字海槎號鐵船浙江金華人嘉慶六年進士官戶部主事有鐵船詩鈔

方子為諸生數十年及成進士官工部鬚髮蒼然

偃仰一室悲憂愉樂之境一寓之於詩

稽亭文鈔

嘉慶丁卯余寓都門因鄭貫亭侍御識鐵船其貌

冷其心冷其室冷其官非冷而自冷以其冷眼觀

書每能抉剔古義以其冷眼觀世復善宣達今情

戊辰余出都後聞其告歸不復出

聽松廬文鈔

方海槎有燕臺雜詠仿樂府體平津鄉一首真得

我所欲言者平津鄉六百戶相宏之封已裂土飾

經術希主知相宏之學專阿時開東閣仰餘祿親

御布被甘脫粟吁哉相宏心寘腹主父偃江都生

睚眦之隙乃力傾吁哉相宏心有兵

靈芬館詩話

標題 錢王祠表忠觀碑

古七 和靖先生墓

雜言

古五 鐵船道人歌

古七 閱通鑑綱目

古五 韜光庵

古五 崇效寺看花

古七 論詩

放歌

古五

自鳴鐘歌

古七

摘句

十步勢一折綠盡始見屋

白水包區夏青山剩富春

睡與吟相適談雖病不妨

飯香遲食覺睡味早行知

談鋒因懶退禮節為貧疎

草風低蝶影槐日閃蟲絲

艱難立業差能久憂患為文始覺深

不希榮遇原無辱少與歡緣亦省悲

是福何妨常失馬無災且莫更求魚

蘭能伍草方生谷龍不殊魚始在淵

但得天真常爛漫何妨小事略糊塗

紛紛市僧談新法往往庸醫執古方

未必考終非短折由來世議即天刑

科名尚賤文誰買仕宦猶貧隱更難

吏抱牘來教押尾官同案坐怕橫肱

詩無真意羞存橐友不交深懶致書

句為偶拈無次第夢常半記不分明

君看興亡十七史只因氣數自乘除

六經磨得英雄老錯計焚書是祖龍

讀史絕句

還鄉天子仍遊子建業關中戀沛中沛中

雄風誇大諛驕主夢雨荒唐託婦人楚中

英雄不及癡兒福安坐成都四十年蜀中

誰將玉斧分河界坐使金甌限瓦橋

死欲傳詩生足穀難兼從古說熊魚書懷

倪世華

初名孟華字素之廣東番禺人嘉慶六年進士官

刑部員外郎

君先世上虞人遷粵東君早失怙兩叔皆業鹽筴

家素封君補博士弟子員方少壯銳志科名叔父

勸之襄理鹺務意不屑也既而屢試不售遂赴北

闈復屢試不售叔遺書勸之歸歸則衣食居處皆

惟意所適而君意必得科名乃歸叔屢寄以金君

見人有急輒助之久之資斧匱乏君性倔彊恥干

謁落落寡合初猶授徒繼則寄食僧舍僧見其孤

窮語侵之不得已遷破廟中戊午以薦卷得謄錄

庚申中式舉人辛酉成進士授內閣中書以謄錄

議敘補刑部主事十餘年以資陞員外郎君官部

曹落落如故既而丁內艱歸服闋再入都將補御

史未幾卒年八十有三君性剛嫉惡不畏彊禦其

李也知君者感惜君不為言官云聽松廬文鈔

摘句 冷眼看熱場大半皆巧宦

新秋昨夜瓜棚月舊友今朝葵扇風

張炳文

同邑林伯桐填諱

字虎臣號繡山廣東番禺人嘉慶六年舉人官四會縣訓導有玉燕堂詩鈔

君生十日而孤母黃太孺人苦節得

旌陽湖惲敬表其墓君頎皙有儀音響清越初補南

籍弟子員改歸番禺學嘉慶辛酉舉于鄉愛日心

殷未赴禮部試太孺人歿君哀毀葬事畢丁丑會

試大挑二等補四會訓導君教家有法度子維屏

登第為令湖北君作書累數千言勗之維屏楚闈

分校得士稱盛黃梅賑災全活尤多君聞之色喜

然未嘗就養曰吾欲近守墳墓也與人交不設町畦待親舊有恩五旬後弟子多以甲乙科顯仕維屏以文學重於四方而君抑然屏世俗之嗜戀庭闈之歡終身如一日君生於乾隆十八年十一月十三日終於道光六年十月十六日壽七十有四配耿宜人能佐君承歡教家先君卒脩本堂文稿君八歲時孤苦無依母黃太孺人攜之歸外家仰女紅以資衣食君生而端慤性至孝髫齡卽劬學勵志如成人太孺人年七十餘病篤君禱於神辭旨痛惻已而母疾頓瘳壽至八十五人咸謂孝感

所致

息耕草堂文集

先生事節母以孝領鄉薦十餘年不上公車以母在不遠遊也喜吟咏其詩杼寫性情不事雕琢而

和平可味

嶺南羣雅

牕宜話雨添疎竹屋爲看雲築短牆繡山先生句也先生純孝宿學吟詠其餘事

粵嶽草堂詩話

鄴侯護天家骨月視畱侯殆將過之嵩華衡山卽圮上穀城意耳繡山孝廉讀李鄴侯傳詩云生平黃老言意或有所寓足窺見長源之心

嶺海詩鈔

繡山丈生平出處大節已爲表諸墓矣餘事作詩

人真性逸情亦復隨時流露七律如十載青衫承
母訓一孫黃口拜兒邊終身之慕讀之愾然七古
如客行每厭水程遲山好轉嫌風力順江行常值
之境胸中所欲言却未易道着也

詩娛室
詩話

標題 讀李鄴侯傳古五 菩提樹歌古七 藥洲懷

古七 羊跳峽古七 北山寺古五

摘句 放生但隨緣雞豚戒特殺

退步便為進步法濃時須作淡時思

短夢有時逢舊侶衰年無伴向誰談

五夜梨雲招有蝶一簾梅雨喚無人 睡燕

金菁莪

字藝圃號蘿香廣東番禺人嘉慶七年進士官兵
部主事有軒于詩鈔文鈔

君幼穎悟年十七補諸生乾隆乙卯舉于鄉嘉慶
壬戌成進士以知縣即用尊甫奉直公以縣令不
易為因為援例捐主事籤掣兵部旋丁外艱歸服
闋入都不數年復丁生母憂歸服闋再入都乙亥
以疾卒于京師年四十有四君嗜學不倦自為諸
生至為部曹蓋無一日不觀書有疑義必思索常
夜分乃寢為文喜獨造羞雷同君家雖業鹽筴然

食指數百不足於用君素儉冬衣敝裘車帷敝卽
以布易之嘗言惟儉乃可養廉今人飲食居處服
御玩好事事求豐美不量入爲出如是而致困乏
是自詒伊戚也君嗜酒惟酒不儉飲必佳醞酒後
頗有灌嬰罵坐之風於世少所許可嘗言學問吾
服吾師曉嵐先生人品吾服徐菊圃先生次則鄭
貫亭耳然君性實坦率見人有善樂稱道之見人
有過能面折之論者謂君爲言官必能有所建白
惜乎不永年耳君五女一子長女適固始吳紅生
葆晉紅生兄嵩少俊民君皆與爲莫逆交每把酒

論文相得甚歡後嵩少舉京兆試紅生成進士而
君歿已十餘年矣余每入都過綠雲館三人剪燈

話舊輒相與悵望停雲愴懷落月也聽松廬
文鈔

君以文就正於紀文達公公稱其文筆健舉嶺南
文鈔

嘉慶丁巳戊午讀書潘氏南墅一橋見山萬綠飲

水時與金七菁莪潘大正亨襄羊其間讀畫絃詩

吞花臥酒紅日暫別呼白月而卽來朱夏旣迎雷

青春而不去尤可娛者四序惟秋最清百花惟菊

最壽五柳不作一籬可東依花傳觴選石安硯金

七賦秋菊篇篇中菊花之名凡四十有六聽松廬
文鈔

藝圃樓霞嶺謁岳鄂王墓敬步于忠肅公原韻詩
云天使將軍竟渡河黃龍痛飲勢嗟峨兩宮不日
都迎復一檜何人敢議和凱入朱仙臣事盡生封
鄂國主恩多無端十二金牌下遺恨南枝空浩歌
天使二字直貫六句故爲快語以快人心第七句
無端一轉遺恨作收章法旣奇筆力亦健聽松廬詩話
旅人雖或不安寄家書必寫平安兩字以慰家人
藝圃有離亭燕一闋云天際片帆搖曳客裏風光
須記過幾處水村山郭又指酒帘歌肆春色到揚
州人在紅橋廿四 不見嶺頭驛使書倩飛鴻遙

寄無限別離愁與恨併作平安兩字家隔萬重山
只有夢歸容易藝圃詞不多作此闋使蘇辛秦柳
見之亦當歎爲黃絹幼婦也松軒隨筆

標題

溪峽慈林寺古五

王昭君古七

除夕醉後

作歌古七

藏花古七

食魚生古五

摘句

芳草如綠波風吹穀痕亂隨風點落花水

面餘霞散

作客書爲伴離家僕亦親

逆流行到順殘月看成圓

潞河舟中

萬樹松杉圍一寺半天樓閣俯諸山

峽山寺

天從庾嶺分南北人與梅花共雪霜 梅關

野店隻雞作端午做車羸馬度生辰 端午生日

兩地神仙猶有別一天風露更無聊 八夕

除過此夕還除夕客盡今年又客年 客邸小除

啜茗挑燈思往事淡雲涼月坐秋宵 客夜

兩地夢魂在青草一年風景到黃橙 寄兄弟


為客遠行成熟路故人幾別失華年 寄潘伯臨

千里寄來詩兩卷一燈看到漏三更 答張南山

天生烽火無秦鹿地貢珊瑚有越人 木棉

草木降王同一朽滄桑餘地尙三生 素馨田

尙沾泥作同心結更化萍生有信潮 柳絮



國朝詩人徵略卷五十六

番禺張維屏子樹輯

李秉禮

字敬之號松甫江西臨川人官刑部郎中有韋廬詩內集外集

松甫為詩愛左司其所居曰韋廬松甫嘗為部郎子學士君方翩翩待從而松甫蕭穆超迥若遺棄世俗而不顧其詩似韋固有其所以似者歟小峴文集吾兄石桐先生攷詩素嚴即於子才亦多所不足乃獨許韋廬詩以為是真能學韋者少鶴文鈔

松圃父丹臣先生少貧以筆一枝傘一柄至廣西
不二十年致富百萬松圃詩才清絕不慕顯榮父
子皆奇士也曉行云朦朧曙色噪歸鴉風撼疎林
一徑斜滿地白雲吹不起野田蕎麥亂開花蘆荻
飛花白滿汀停車小憩水邊亭前林一綫炊烟起
畫斷遙山半角青秋思云涼笛聲兼風葉下歸鴉
影帶夕陽來隨園詩話
或誦詩鳥聲穿樹月當午燈影隔簾人讀書問何
人句余曰似宋名家曰非也近人李松圃句曰
余與先生弟芸甫水部為婚姻丙戌鑑兒往桂林

就婚君年七十九猶矍鑠屢以書來約相見談詩
余慕桂林山水亦欲一遊以事不果庚寅冬先生

歸道山神交數載竟未一面松軒隨筆

標題 閒居五古 喜茂甫夜過五古 漁家樂圖七古

清明作五古

摘句 人皆嗔我拙我自覺人忙盍各適其適喧
靜兩相忘

翛然發興孤所得非眾有

吟詩山月白說鬼鐙花綠

冥冥千載人開卷還與俱

乃知文字交猶勝骨肉戀

明月忽在水荷香生我衣

遠雲分野色去水帶離聲

蛩知秋氣味月與夜精神

事去都疑夢詩成似得仙

年衰常畏客病久漸知醫

生不並時嗟杜甫死憐同調有靈均 宋玉

對月莫辭深夜酒還家猶是暫時人

春從細雨聲中盡蝶向餘花落處飛

睡到日高猶未起那知枕上改新詩

史善長

字誦芬號赤厓江南吳江人諸生有秋樹讀書樓集

誦芬從秋帆制軍於湖廣來往荆襄目覩焚突之

慘故形之篇什雖一哭六太息不是過也 湖海詩傳

標題 神礮行 七古 募鄉兵 七古

摘句 詐侔衷楚甲狠比毒秦涇 當陽紀事 賊

懷利刃又謀以毒藥置井水中被獲始悉其狡

此輩故應除害馬諸公慎勿易莽蜂

有才不愧推良史此老惟憎見要人 懷蔣心餘

方秉仁

字靜園廣東番禺人太學生官候選布政司理問
有活潑園

君號靜園人稱曰靜翁先世由浙遷粵翁少孤貧
傭書養母中年業鹽筴家小康小宅於五仙門內
所居曰蘊石山房外有小池池上累石為小山山
外有亭曰活潑園機亭環以竹竹下有屋曰有竹
居山房之左為堂三楹堂下雜蒔花木堂之左迴
廊達於內室室外紫藤一架室內圖書彝鼎茶竈
筆牀翁日偃仰其間翁二子八女每佳晨令節與

家人飲酒賞花園棋絲竹以相娛樂性愛山水暇

輒遊白雲山嘗於山麓建彌勒寺又愛菊自號菊

圃花農有憶菊詩云秋到無言空悵悵花如愛我

莫遲遲其癖於菊如此卒年六十有六

聽松廬
文鈔

余年十四翁以幼女字余越五年女以哭母病沒

余遺恨詩是以有西母驂鸞入絳煙曉風環珮散

羣仙之句而紫藤曲諸詩及玉香亭詞皆緣是而

作也

松軒
隨筆

摘句 鈔書恆繼燭購帖欲傾囊

生難超弱水死欲葬名山

引魚躍浪時垂餌放燕尋春故卷簾
 臨風展簟玲瓏牖待月尋詩曲折欄
 松竹夾泉喧樹杪藤蘿牽月度崖陰
 山影倒垂疑化墨天心高潔欲成霜
 海門尺地皆元土柴市孤忠有宋臣
 藏拙靜求無事福收心補讀少年書

文丞相祠

金 棻

字誦清浙江錢塘人太學生官候補員外郎
 誦清生長綺羅性耽書畫嘗集明人法書刻之名
 清嘯閣帖尤愛惲南田筆墨搜藏獨富

湖海詩傳

摘句 蒼苔猶有色黃葉欲無聲

藏經樓抱千重樹法雨泉飛四面山

理安寺

李士楨

字廣成號東田廣東番禺人貢生有青梅巢詩鈔
 予持破硯覓食精神耗於縫裳代嫁者多矣朱文
 正公撫粵偶見拙唱目為異才始獲揚詡遊庠旋
 充選入北計三十年來開笑口之日無幾得間則

含毫伸牘踣壁而高哦

青梅巢詩鈔自序

東田少時黎二樵即稱為畏友

嶺南羣雅

標題 掃墓五古 憶弟妹七古 大風行七古 閉墓

日家祭

五古

蟻繁昌舊縣下登岸尋村

七古

摘句

蛟蝶影在水野竹如人長莎亭間蘚榭地

綠苔髮香

恨不閨時刻申亥忽然入鰓魚難得曙短

繁紅一粒

與弟雖二身與弟同一親勗哉日斯邁共

慰泉下人

史為益智粽經為饋貧糧

才短少機事世長多悔心

日色沈高柳風聲壯大河

獨往與誰語此生空自評

孤竝才名減多愁病痛增

屠人倚樹分蛇肉獵戶沿墟賣虎皮

露冕關心當大暑覆盆垂手即陽春

憂國自零公子涕問天誰亮美人心

三閭大夫

我自貪涼人逐熱半生無故得狂名

桃花雨小東風大魚婢成羣白滿簪

潘有度

字憲臣號容谷廣東番禺人官候選員外郎議敘

加鹽運使司銜

容谷丈理洋務數十年暇日喜觀史尤喜哦詩有
園在河南曰南墅方塘數畝一橋跨之水松數十
株有兩松交幹而生因名其堂曰義松所居曰漱
石山房旁有小室曰芥舟余髫齡讀書園中與諸
郎君為總角交今每過南墅與伯臨季彤話舊猶
想見當日花前微笑酒後高哦也聽松廬文鈔

翁有西洋雜詠寫海外風土蔡生甫太史謂可與
和泰庵尚書西藏賦頡頏聽松廬詩話

摘句 鏡中照見炊烟起可是人家住廣寒用大
鏡照見月中有
烟如炊烟云

忽吐光芒生兩孔圭形三尺此星奇用觀
星鏡

照見一星圭形長三
尺頭尾各穿一孔

昏姻自擇無媒灼繾綣閨闈只一妻夷人
男女

自擇配既娶妻不得
納妾違者以犯法論

素衣減食悲三月夷人喪服父母妻
皆期年朋友三月易簣

遺囊友亦分夷人重友誼臨終
分財友亦與焉

葉廷勳

字光常號花谿廣東南海人官候選員外郎議敘

加鹽運使司銜有梅花書屋詩鈔

花谿跡託塵囂性耽泉石馮魚山黎二樵皆折節

與交晚年自號荔灣漁者閉閣拈毫評書讀畫高致翛然卒葬白雲山令子雲谷民部夢龍築倚山樓為丙舍佳節攜酒榼集名流賦詠其上雅有父

風焉

嶺南羣雅

花谿翁少年棄儒而賈晚歲棄賈而儒嘗手校王文簡公古詩選重為鐫板偶賦新柳詩一時名流多次韻和之紀文達公贈以詩有云傳來新柳句

如見老松身

聽松廬文鈔

令子文園比部雲谷農部延余課子館於其家愈悉翁之為人蓋有得於老氏知足知止之義者

同上

摘句 白沙漁父棹紅樹酒家旗

江帆依岸轉島月照人寒

昨宵杯酒離亭畔和雨和烟綴馬蹄

新柳

潮水未生人夢醒一簾新月看梳頭

葉廷樞

字冠芳號竹庭廣東南海人貢生有芙蓉書屋詩

君年十二父旅卒伯父遣人迎樞君請行比長以既失怙恃無意仕進遂以詩酒自娛嘗遊羅浮鼎湖窮其幽勝卜居羊城之西楊柳溪邊芙蓉環之君鮮兄弟視從兄弟如胞鄰里貧者隨時資助之

病篤召諸負者而焚其券有感泣者聽松廬文鈔

竹庭子夢草少孤能以畫書詩世其家又勤勤焉

思貽親以令名余是以重其為人松軒隨筆

摘句 子落不到地香飄常在天詠桂

菖蒲澗響泉千尺蒼葡萄花開月一龕

名花白種還同賞家釀新開不待沽

門外最宜微雪夜水邊應有苦吟人梅花

陶章鴻

字季壽湖南長沙人太學生官知縣有嘉樹堂稿

季壽幼慧眉目秀整隨其尊人官粵好氣任俠早

負才名卒之屈於貲郎遭迴屯踣年未中壽忽焉

以歿節錄李松甫撰嘉樹堂詩鈔序

季壽官為盛鐵需次浙中寓西湖可莊門繫一舟

往來南北兩山間與野人山衲尋煙問水靈芬館詩話

余喜看雲季壽晴雲生萬態五字甚妙聽松廬詩話

摘句 故侶行將見他鄉喜似歸

月色兼涼到秋心與夜長

岸低平野見江靜遠灘聞

向人無語我偏敬如柏不花誰敢嫌懷查梅史

冷面向人客每罵深山讀書妻不知歐陽東

溫承恭

字靖聞號莊亭廣東德慶州人貢生有莊亭集

君七歲而孤九歲偶見崔鴻十六國春秋讀之喜
遂徧覽諸史年十五李學使調元奇其文補弟子
員覆試見君穉而文多用史疑有偽因面令默寫
本史前後文凡數十條皆不誤驚歎贈以佳硯嘉
慶二年聞蜀地用兵因入蜀依姊婿華陽令徐君
念高久之還粵應鄉試再入蜀船至雲陽寇以礮
阻隘口沿江數十艘不敢進會日暮望坡上煙縷
縷柁後風徐來君語舟人曰賊終日守隘今往炊

適風利不可失汝等懼賊吾立船外當之舟人從
之亟挂帆遂出險其膽識類如此嘗遇風覆舟物
浮江僕欲取之君曰昨壞舟數十此豈必吾物耶
禁勿取其顛沛不苟又如此君倜儻好講經世之
略數往返蜀中無所遇晚乃教授生徒嘗云人日
間總有善事可爲以故親舊告貸君雖貧必力應
之嘉慶二十五年以疾卒年五十八著有莊亭詩
文集補迂集隨得錄凡十餘卷子賜少稟庭訓勵
行績學戊寅舉于鄉

聽松廬
文鈔

莊亭言吾粵理學經濟文章皆大有人惟英雄一

輩頗少如東莞伯何真袁督師崇煥暨雄飛將軍
或庶幾耳莊亭素以王景略陳同甫自命惜未用

於世

粵嶽草堂詩話

莊亭談兵則效杜牧請纓則思終軍激昂慷慨之

氣時露於詩亦奇人也

嶺南羣雅

莊亭蜀中往返備悉險要作松潘防守議

嶺海詩鈔

王仲瞿溫莊亭皆喜談兵然用兵今與古異今制

勝之具首重鎗礮至一鼓作氣信賞必罰與士卒

同甘苦則古今一也

松心日錄

摘句 細雨連疎樹孤帆入亂山

歸峽

水似從梯上天真在井觀

巫峽

路多通嶺背人半在林間

川東道中

地成秦四塞天入嶽三峯

華山

湖海有人牛馬走笙鏞何處鳳凰來

九成臺

去國懷鄉餘此地先憂後樂更何人

岳陽樓

湘注北流通上國地迴南戒畫中原

祝融峯

死木可驅流馬役生天不許臥龍飛

武侯祠

信國入元心有宋包胥復楚哭無秦

襄平侯

官知骨傲難容我死得名高便是仙

國朝詩人徵略卷五十七

番禺張維屏子樹輯

劉嗣綰

字醇甫號芙初江南陽湖人嘉慶十三年會試第一官翰林院編脩有尚綱堂集

麤餘集癸巳至丁酉年十二三學為詩丁酉稍稍存錄

半粟山房集戊戌己亥老桂一株已枯其半而著花較

早金粟因緣半人身世敢云妙悟或證聞思

寄泖集己亥侍大父華亭學舍

刻楮集庚子迄壬寅三年中方事舉子業

二十四航集 癸卯 是歲秋試小住白門

獻賦集 癸卯 甲辰 同人相約獻賦往返吳門

葑花閣集 甲辰 乙巳 家園有紅蓼數株映帶煙水

禪榻集 丙午 維摩示疾禪榻為緣

竹中集 丁未 家園種竹盈畝偶然得句嘯詠其間

戊己集 戊申 己酉 燕知戊己守土也安時也

碧山後社集 庚戌 吾鄉碧山吟社里中擬續此舉

楚游集 辛亥 就食武昌館於藩署

雪苑集 壬子 由武昌赴豫仍館商邱陳氏

燕囊集 壬子 觸暑北行襪被千里

圍爐集 壬子 圍爐選話銷寒之興不淺

寓園集 癸丑 春夏間寓居澄懷園

籬下集 癸丑 黃花爛漫一尊陶然

問津集 甲寅 應試津門小住問津書院

槐天集 甲寅 槐陰如蓋一綠到門

澹香秋圃集 甲寅 移寓阿相邸第蕭然有老圃風

策蹇集 乙卯 驢背行吟尋有歸志

中江集 戊午 乙卯冬奉諱里門尋以故人之招就

食江右丁巳夏留中江季冬歸里戊午仍赴舊約

勞歌集 己未 公車歷碌勞者之歌

獨浪集 己未 下第南歸關河獨浪

吳船集 庚申 扁舟江渚叩舷之歌

蓬心集 辛酉 四十無聞一邱將老因人碌碌重赴

公車莊叟所謂猶有蓬之心也夫

蕭寺集 辛酉 秋移寓保安寺

南轅集 壬戌 一旦南轅浩然而返

蘆中集 壬戌 淪落江湖蘆中人豈非窮士乎

竹西集 癸亥 曾都轉招寓題襟館

五甲集 甲子 仍畱揚州計余已歷五甲矣

十上集 乙丑 余應秋試者六至是又四上春官

竹西後集 乙丑 夏歸自都門重寓題襟館

婺州集 丙寅 下榻婺州之郡齋

鼇背集 戊辰 舉南宮以庶吉士派入文穎館與纂

校諸役日僕僕於金鼇玉螭閒編詩為鼇背集

不易居齋集 庚午 余官京師襍被蕭然一歲中數

移研几居大不易昔賢所歎因名所居曰不易居

循陔集 辛未 乞假南還仍有負米之役

雲心集 癸酉 雲無心以出岫入山出山同一無心

懷南集 甲戌 時以省親言歸江國

雪泥集 乙亥 一天風雪重到京華

丁丑集 丁丑 忝列編脩已歷五科新庶常於五月

行大拜禮前後輩由此分也即編詩為丁丑集

且住齋集 戊寅 己卯 浮沉人海且住為佳

補蘿集 己卯 庚辰 同社移居寥寥獨處秋風四起補屋

牽蘿因名詩為補蘿集 尙綱堂詩集

芙初詩分為四十三集集各有小序節錄之可作

年譜觀也 松軒隨筆

醇甫少作明豔居多肄業太學以後則沉博矣放

浪江湖以後則排奭矣茲則清適駿邁以快厲之

筆達幽隱之思如水銀瀉地天馬行空 梧門文鈔

言心聲也余拙於言而又好自道其心所欲言然

則余之詩余之言而已 尙綱堂集自序

芙初以相門子稽古績學綺歲能文乃青衫落魄

破硯依人可謂窮矣然卒以禮闈榜首簪筆木天

不可謂非達也顧中年以後心力就衰又以不工

小楷未獲奉使衡文身居京國心繫家園歸詠循

陔出仍負米迹其生平蓋窮而達達而窮者也然

境嗇而才豐位卑而名顯以視榮華露電轉瞬皆

空者吾知芙初必不肯以彼易此 聽松廬文鈔

已卯余下第寓米市衡衡芙初太史寓橫街時過

從唱和余詩云各有衰親已白頭莫道無田歸不
得美初詩云月中烏鵲飛繞樹只有倦翮思歸林

庚辰余歸嶺南芙初歸汪南遂不復相見聽松廬詩話

標題 詠古小樂府長短句 詠懷五古 禹碑七古

舟中望廬山七古 赴宋中雷別在楚諸子

七古 寒夜蹋月下窰子七古 演雅一篇擬

山谷七古 文信國遺像硯七古 李北海岳

麓寺碑七古 哀呂堰七古 張南山春夜過

訪以詩見贈即用原韻奉答七古

摘句 聰明貴深造茲事非任天

昔年母別兒別淚傾不已今年母別兒母

淚且枯矣含悲但嗚咽苦語亦無幾兒身

猶在門親心已萬里

名馬一千里奇書三五車

月行疑讀畫花坐當薰衣

風竹有聲畫草蟲無字詩

荒村牛聽笛古驛馬吟鞭

減酒分佳客添香伴病妻贈張船山

有書兒廢讀無米母持豕

過秦論在應傳世論蜀文成竟入關

雞羣獨立非凡骨龍性難馴有父風嵇侍中祠

海嶽衣冠邀石丈東坡笠屐伴琴師

維摩自掃天花室彌勒同居水月龕

垂簾算奕留仙客隱凡看花當美人

黑甜一枕蝶離世綠靜半塘魚在天

魚隱綠苔疑傍樹鳥穿紅葉當看花

鶴鳧祇自爭長短環燕從誰定瘦肥

三周露轉華不注四面帆來無定河

擺脫塵心離宦海安排慧業到名山

野藪登盤思學圃鄉音入坐當還家

茶聲細欲成泉夢酒氣多能暈月華

爛到封侯公合笑瘦如博士我應憐食全羊

人如風柳時三起酒似春潮日兩回

一別也知如小死再來難定是今生

別來盡眼惟秋水終古傷心是夕陽

天上朝霞空有色人間殘月最銷魂

自入世來無世想不應春去有春愁

西風畫出勞人樣吹得衣裳似葉聲

東塢夕陽西塢雨那容人世不炎涼

露珠走上風荷葉不到傾時不肯休

吳慈鶴
字韻臯號巢松江南吳縣人嘉慶十四年進士官翰林院侍講有蘭鯨錄鳳巢山樵求是錄
巢松太史之初為蘭鯨錄也其時翔輝鼎門振奇
鯨歲涌思雷出通莊軼馳固已鏗鉤炳耀凜耳屢
日既而邁躋隻事戎旃登蓬山愴風樹迨乎秉篋
乘傳騰岑降深咨諏周原延訪民隱則又瑩澈靈
府發揮高致減雕飾屏華靡運神明幹風骨經萬

國朝詩人徵略卷五十八

番禹張維屏子樹輯

吳慈鶴

字韻臯號巢松江南吳縣人嘉慶十四年進士官翰林院侍講有蘭鯨錄鳳巢山樵求是錄

巢松太史之初為蘭鯨錄也其時翔輝鼎門振奇鯨歲涌思雷出通莊軼馳固已鏗鉤炳耀凜耳屢日既而邁躋隻事戎旃登蓬山愴風樹迨乎秉篋乘傳騰岑降深咨諏周原延訪民隱則又瑩澈靈府發揮高致減雕飾屏華靡運神明幹風骨經萬

辟千灌而成純鉤由聲聞緣覺而入悲智小謨觴館文集

其初刻蘭鯨錄也蘭氣襲袂則百草失芳鯨音鏗

鐘則眾樂奪響煌煌乎絕絕乎固已追躡孟韓並

駕徐庾既乃涉歷多故馳驅壯遊蒿筆一枝蕩節

萬里揚雄少作悔其雕華謝傅中年深以陶寫則

又原本忠孝發抒性情飲真茹強簡精練銳譬諸

老禪入定百怪失其姦窮宿將行軍萬眾暗其叱

叱筇然一變以臻厥成賞雨茅屋文集

巢松太史弱冠時尊甫曇繡先生官廣東糧道蘇

臺庾嶺南北往來既而隨宦濟南中更憂患蘭鯨

一錄已見老成迫成進士入詞垣摘毫木天載筆

史局使車所至山水為緣碧雞金馬助其奇思嵩

嶽河流增其壯采中年篇什所詣益精不以才力

掩其性靈故足貴焉惜乎體弱多病不克永年方

持泰岱之旌遽返蓉城之駕海內騷壇失此健者

篋中尺素如覩故人猶憶君返東吳曾寄嘉藻僕

居北渚復枉瑤華重覽蜀州之篇恍聽山陽之笛

嗚呼唏矣聽松廬文鈔

道光甲申巢松視學河南時余在荊州巢松寄詩

有云我已擔頭兩嵩嶽君亦胸中九雲夢今重覽

遺篇猶想見興酣落筆也聽松廬詩話

巢松讀後漢書四首之一云萬里烏桓部西來就

月支易滋非族類懷惠必羈縻茶藥關生命牛羊

閱歲時此曹皆困獸全仗撫綏宜此詩作於壬午

論古通今卓有所見不獨詩筆沉鬱也同上

巢松絕句云縷衫檀板記當年嗚咽秦淮比杜鵑

自古興亡家國恨箇中偏要著嬋娟二語包幾許

史事同上

標題 金塗鐵塔歌古七 天潢小裔墓古七 通遠

驛紀行古五 七贈古五 開元登封磨崖碑

古七 顏魯公書東方先生畫贊碑古七 韓

山謁文公祠古七 題沈閩生詩卷古七 晏

城驛古五 桐鄉程節婦詩長短句 救荒新

樂府五首古五 鄂文端公鐵柱歌古七 樂

戶兩烈女行古七 黃河驟漲幸卽平落誌

喜古七 蕭典史歌古七 謁中岳廟五排三十韻

摘句 古人鈔書讀皓首烟露濡今世富梨棗百

錢換一書奈何婉孌子學不古人如

根源在周孔旁涉乃騷選

爭此隙駟光暉勉萬古計

身甘百年否詩必隻字泰豪情日月動旅

泊冰雪耐

贈陳虹
橋布衣

水糧鷗既富雲臥猿獨壽

涼秋易為陰輕風不能雨山含靜女色江

似幽人語

夜經七里
瀨

百歲見千月月一盈虧人事有阻隔風

雨且半之良夜足可惜珍重吟一詩

軟紅著閒人似宦亦似隱

手把一卷書沈酣日如癡妻孥顧我笑為

官豈如斯僮僕亦私訕精力空自疲吾自

樂吾樂遑恤汝輩飢不聞金石聲鏗然出

原思

干戈奇士出涕淚直言來

求名忌太急厚責惟吾身還須耐官職舒

卷隨天真

不揚胡將相忍事即英雄

裴晉公墓

鍊心略似無波井養氣應如出岫雲

智慧盡從無我出勳猷非是要人看

妄思憂樂羣生共未必酸鹹眾口和

得路喜看鵠侶捷嬾鳴深願豸冠遲

省事偶閒思學佛熟眠無夢亦游仙

詩到開天真有力仙能行地合通靈

能納江河知海力不資塗澤是天工

似醒還醉傷春地易雨難晴養夢天

如何鼇極扶輪手都化龍驤大道塋

結交磊落天下士料理崢嶸身後名

縱與汾陽遭際各儘畱諸葛大名懸

花縣久無仇覽鳳莠民猶畏郅都鷹

一時牛耳閑閑趙三影鶯花燕燕張

祝君長作王文度待我同為馬少游

岳忠武祠

讀史有感

贈吳王松

詩人歸養

從游多似邴根矩清德過於王彥方

寄劉松嵐

花碗定磁天下白水樓斬篔夕陽黃

吾曹須識天公福生長江南桑苧村

李光里

字號東亭順天寶坻人嘉慶十四年進士官

贛州府知府

先生官工部與鄭貫亭牟松崖諸君以直道相勗

貫亭歿為經理後事且延師課其子出守贛州增

書院膏火疏鑿惶恐灘龍安衙蠹把持官府為民

害先生選幹員擒之獄具監斃一方獲安

聽松廬文鈔

先生門第高華性情伉直令弟樸園太守略述一
二事如擒治衙蠹一端為民除害大快人心吾粵
衙蠹尤甚安得如先生者為之懲一而儆百乎同上
摘句 陽明洞裏春無限清獻琴中韻自幽

張聰成

字阮林號傳巖江南桐城人嘉慶十五年舉人有
傳巖詩集

阮林太傅文端公五世孫也張氏為吾邑巨族世
有達官才人亦不乏而文辭能直追古人則自阮
林始為詩宗法少陵姚惜抱先生見所作嘆為異

才著有左傳杜注辨正及經史質疑錄積勞以死
年僅三十有二

劉孟塗文集

張阮林據鄭氏尚書注小顏漢書注謂大別山在
安豐西南今河南固始縣自杜征南謬讀禹貢遂
疑此山在江夏界其說詳杜註辨證未免好為新
奇然考大別者亦不可不知此說也

松心日錄

胡小東太守跋阮林詩集云阮林少時結交里黨
間皆一時之傑若劉孟塗姚石甫光栗園李海帆
左匡叔徐六襄諸君子性情才力雖不必同要皆
器識深遠為詩亦各有深造而論才則首推劉張

觀此則阮林之才與孟涂相伯仲而皆不克永年
豈才與命實相妨耶然兩君固自有可傳而小東
與諸君子勤勤焉護惜遺橐篤於故人古誼尤可
風也

聽松廬
交鈔

國初以來稱騷人無過番禺屈大均阮林之傾倒

於翁山如此

聽松廬
詩話

標題 登采石太白樓放歌

七古

貧交行酬光粟

園

七古

苦別行懷石甫

七古

懷劉明東

七古

摘句 逝者已異物追亡為慮存

不眠求眼合欲起覺身難

海內公卿誰命世儒生經術有專家
中原吏治萊蕪少南國人情雀鼠多
京口烟波收楚越海門潮汐撼金焦
畫角五更吹月落寒潮萬里動城來
峰陰擁壘凌帆外日氣穿雲射水中
新歲春初仍舊歲風聲雨裏雜潮聲

[Faded text, likely bleed-through from the reverse side of the page]

國朝詩人徵略卷五十九

番禺張維屏子樹輯

彭兆蓀

字湘涵號甘亭江南鎮洋人諸生有小謨觴館詩

集文集

樓煩集

辛丑迄
丁未

山右寧武古樓煩地雁門三邊之

一也兆蓀象勺之年家君作宰十稔於茲銜其山

川學爲賦詠刪十存一戢戢已多

南鴻集

丁未迄
庚戌

家君以病解職侍籃輿南下馬背

船脣不無所觸凡得詩若干首鴻以北爲家及秋

南征為賓子少長塞垣其視歸也轉若賓焉

星社集庚戌迄乙卯彭子隨親潁州潁固淮北雄郡晏

呂歐蘇遺澤未泯山川人事托諸詠歌不幸不祐

洵丁艱棘躬奉廣柳歸耐故邱捐棄筆硯者閱月

二十乙卯秋乃援祥琴例補作別友遷居諸詩計

庚戌至乙卯六年詩蒼為二卷

傭書集乙卯迄戊午昔樊南文云占數東甸傭書販春

予自丁閔凶衣食驅遣始客京口繼客楚州賓館

淒清波路壯濶苦蟲寒鶴時復一呻爰取傭書以

名是集

葦杭集己未迄癸亥淮海還歸津梁厭倦弭楫茂苑授

經三年繼復流轉泖湖佐人述撰地不越二吳程

不逾百里一水如帶扁舟可杭

觀濤集甲子迄丙寅闕逢青陽子抱幽憂之疾鍵戶半

年秋間辱邗上當事之招拖舟渡江繼乃代舍移

牀東閣嘯侶文酒之會沈痼為蘇跡非等於掃門

事有同於發疾觀濤之語義取於斯小謨鰲館詩集

甘亭詩分為六集集各有小序節錄之亦可作年

譜觀也其續集二卷丁卯迄丙子所作此十年詩

不分集亦無小序松軒隨筆

昔人有沉博絕麗之語求諸近代罕觀其人蓋多讀書者博不待言惟沉麗難兼沉未必麗麗未必沉麗在肉采沉在神骨骨重神寒是之謂沉然非博不能麗更不能沉徒恃博不能沉并不能麗此中有天事焉有人事焉吳梅村詩麗多於沉陳獨漉詩沉多於麗胡稚威詩文沉多於麗彭甘亭詩文麗多於沉偶舉數家未遑更僕要皆合天分學力乃克成爲一代鴻駿之才也

聽松廬文鈔

郭頻伽序甘亭之詩謂以才爲主以古爲程王鐵夫序甘亭之文謂少長邊塞多接通流精求緣起

熟析利病有山川以助其奇有風雲花鳥以壯其思又不幸久困有羈愁騷屑推撞拂鬱以激宕其中之所存繇是長篇短章隨變雜施持原以往扶氣以立陽開陰闔神出鬼沒而一皆自載其心吳巢松贈甘亭詩云揚馬借爪鱗李杜與衣鉢笑攀蒼龍胡屢嘖白鳳咽三君皆知甘亭者

聽松廬詩話

嘉慶己卯下第送盛子履

大士

出都有古詩一篇

兼寄彭甘亭乃詩未達而甘亭已歸道山聞聲相思竟未一面至今余懷猶恨恨也

松軒隨筆

甘亭詩多沈鬱之作偶舉一二首如史閣部祠云

鐵礮摧城弔國殤衣冠畱墓拜堂堂夷吾自灑新
亭淚江總仍飛曲院觴半壁山河撐赤手九霄箕
尾落寒芒燐光都在梅花嶺披髮依稀下大荒
又歲暮雜感云潯州烽火接梁州蟻子都屯楚上
游偽讖荒唐三屈律將星搖動五諸侯檻車劇翠
收盧植巴國休輕縱李流正好奇功乘雪夜鴨鵝
聲裏落旄頭十四首有贈人以言委婉入情者
如送子白謁選北上云唱慣驪駒接慣歡此番離
緒渺無端八义手壓朋儕易七品官宜上下難判
牘不妨遲展卷活人先要自加餐在奴大有蒼茫

感未肯輕彈貢禹冠

聽松廬詩話

甘亭論詩實獲我心有絕句云厭談風格分唐宋
亦薄空疎語性靈我似流鶯隨意囀花前不管有
人聽 甘亭才奇境困牢騷感慨寓於詩而蘊藉
出之絕句云玉真夫婿等閒畱只爲胡麻飯一甌
知否有人雲外立桃花如火不回頭同上

標題

詠古九首

五古

周忠武公墓紀異詩

五古

莜麥飯

五古

土窰歌

七古

李晉王墓下作

七古

井陘關

七古

賣馬行

七古

擬新樂府

六首

長短句

塗山禹廟

七古

賣書行

七古

讀書十首

五古

海鯨行

七古

有會而作十

三首

五古

自題懺摩錄

五古

楊忠愍公遺

墨四幅

七古

摘句

榮枯境何常名在抵壽考

得為且自勉不獨在文章

升沉不足言勗哉作佳士

今晨惜昨晨明又惜今日萬事類如斯能

禁幾悠忽

源積流斯長所吐視所食

立言必根情選字必擷芳

人讀等身書如將兵十萬兵多行慮譁書

多語愁蔓何以節宣之一心制眾亂不見

陸士衡才富轉為患亦有淮陰侯多多乃

益辦要以我用書勿為書所絆

所圖送春秋遑暇計妍醜并此而無之吾

生更多負

詩文雖無益於世然人之精神面目境
遇性情皆在焉并此而無之生平之歲
月不愈虛擲乎讀甘亭詩有味乎其言
之

老堅求道志病鍊著書才

文章前後水將相卷舒雲

少年耽飲飲必羣下至屠沽上簪紳中年
 興漸闌選酒兼選人素心可望不可親不
 若相對形影神一壺自撥牀頭雲中有至
 味醇乎醇胸次盎盎皆陽春此情莫與世
 俗論但遣屋角煤花聞寒夜獨飲
 四七星辰見光氣八九雲夢吞心胸
 玉帳照斜三輔月金笳吹老一城霜宣府
 鴟聲風叫平原箭塵血鎗行毳幕觴
 百戰終輸姚弋仲一心難得呂婆樓晉陽懷古
 油幕談兵韓吏部天山磨盾傅脩期贈王述庵

誰以先鳴憎盍旦儘聞大饗到爰居
 如夢歡場原變幻舊巢飛羽各差池
 忍寒花學曉妝女積雨春如病少年
 撥悶詩書勝藥石避人衾枕卽山林
 破甑我原拚撒手碎琴君勿替攢眉下第
 本無榮願妻孥諒漸有離心僕隸驕
 賤謁諸侯叻上客號稱遊子實窮民
 隨例盤餐回味少代人文字愜心無皖城節署
 誰於月滿花芳候想到鐘殘漏盡時
 傾城自要天然色打槩真逢月樣人白桃

奉倩取涼原越禮真卿乞脯亦人情 婦病

未散魂來殘夢裏最傷心是上燈初 悼亡

只要寒巖倚枯木略添花草便添愁 友勸置筵

誰知跋扈詞場客也到觀河皺面時

觀榮

姓索綽絡氏字春農號梅林滿洲正白旗人官候

選道有挂月山莊詩鈔

君先世自遼左從

龍入關累代貴顯君幼力學屢試不售補內務府堂筆帖

式兼樂部供用官嘉慶辛未奉

命司權宿遷為淮關上游先是豫省載貨入淮每被關吏

畱難船運減少淮宿稅往往不及額君剔釐積弊

商困頓蘇士民書遺澤遠播扁額懸之津亭時母

太夫人迎養署中築春暉草堂雜蒔花木以為親

娛癸酉滑縣教匪滋事故相國百文敏公總督兩

江親赴徐州防禦文敏素稔君之能數以兵事相

商悉中機宜既而以太夫人年高思家遂解組歸

先是君弟竹樓觀察首領鄉薦君喜曰弟獲科名

吾心慰矣觀察初選文昌縣後擢任南雄州道光

癸未君赴粵東至官署尋對牀之約蓋君與觀察

友愛尤篤也君考近亭公少有神力八齡能舉四
釣石仕至福寧鎮遊擊既歸於盤山祖廬旁築桂
月山莊君補種松檜數千株將終老焉乃願不獲
遂竟以疾卒於南雄州署聞者咸歎惜之
聽松廬文鈔
摘句不知夜來雨但覺泉聲急

山勢隨潮湧天光到海明

雲泉山館

將軍令不驚雞犬僕射恩原若父兄

和百菊溪

為貧將母歸應早因病解官名亦佳

夢裏關山難得路天涯風雨莫登臺

寄竹樓

香迷忽有風相引寒極已知春欲回

探梅

國朝詩人徵略卷六十

番禺張維屏子樹輯

劉開

字明東號孟塗江南桐城人諸生有孟塗前集後
集

孟塗生數月而孤年十四以書謁借抱先生先生
大奇之因從先生學其為人落脫不羈喜交游與
人談論輒罄肺腑家貧不能養奔走公卿間無干
謁之態嘗謂元之曰吾鄉多佳山水使吾有菽水
資迎吾母居龍眠杯渡間手一編且不去吾母左

右其樂何如而顧爲是僕僕哉然亦習舉子業試
輒不利卒以上舍終年四十一初孟塗游浙過某
邑有人候於門卒然問曰君得非桐城劉先生耶
要至家具盛饌酒半告以有母孀且老前夕夢其
父語之曰三日有桐城劉先生過吾門非先生文
不能傳爾母當固請之旣復與遊山至一古墓碑
題曰宋處士劉開之墓孟塗憮然自失道光元年
亳州修邑乘聘孟塗正月行別其妻曰此去尙相
見耶妻愕詰之則亂以他辭及之亳寓佛寺閨月
十一日陡得腹疾勢不起指佛殿金葫蘆頂示客

曰視月色中乃吾去時也果以其時而逝喪歸妻
倪欲以身殉其姑止之一日姑聞閤戶聲縊死矣
孟塗生享盛名沒又得其婦之烈夫乃嘆天之生
是人非偶然也孟塗詩有前集十卷歲久板損沒
後前臺灣令家弟瑩急造其家訪遺藁得後集二
十二卷文十卷駢體文二卷臨漳令家弟柬之爲
捐貲付剞劂併重刻其前集屬元之任其事鄱陽
陳方海伯游偕伯棠助讐校焉節錄姚太史元
之撰劉孟塗傳
孟塗上書姚公鼐公常曰此子他日當以古人名
家望溪海峯之墜緒賴以復振節錄陳君方海
撰劉孟塗傳

國朝詩人徵卷之二
劉孟塗曰三代而上聖人之言理也寬二代而下
儒者之言理也密夫情勝理則無節理勝情則難
行聖人知人心不能即安於義也故文武之道有
張有弛大學之法有藏有修有息有游凡以使之
安於教也言不爲過高行不求至難心不欲已甚
凡以便於人情也後儒不顧人情所安而以義理
之言束縛天下嚴之以儀節多之以防閑於是乎
有操勵之學有尊敬之功論非不是而人莫能久
從則言理太密之過也治天下者法令簡易庶民
安之網愈密則奸偽愈生君子之教學者亦若是

而已矣夫孝弟忠信節之大者也起居動作行之
細者也爲學之初即繩以禮法言笑不敢稍苟動
履不敢即安天下於是不勝其煩苦而決去之記
不云乎以義度人則難爲人以人望人則賢者可
知聖人以人望人故其言理也寬後儒以仁望人
故其言理也密夫言理者由寬而入於密亦勢所
必至而其失也遠乎人情孟塗文集
孟塗論學又云淹通宏博之士詳於名物度數而
或略於義理之是非其後嗜古益以博爲能以多
爲貴厭故而喜新以功令所載爲泛常以先儒所

言爲迂濶於是獵奇好異之習興而躬修心得屏
而不論夫君子之學知法孔氏而已何漢宋之有
哉學之判爲漢宋也自近世之人名之也門戶之
見執而不能化也同上

孟塗論文有云退之起八代之衰非掃八代而去
之也但取其精而汰其粗化其腐而出其奇其實
八代之美退之未嘗不備有也宋諸家出乃舉而
空之於是文體薄弱無復沉浸醲郁之玫瑰奇壯
偉之觀然而志於爲文者必自八家始何以言之
文莫盛於西漢而漢人所謂文但有奏對封事皆

告君之體耳書序雖有不多見至昌黎始工爲贈
送碑誌之文柳州始創爲山水雜記之體廬陵始
專精於序事眉山始窮力於策論序經以臨川爲
優記學以南豐稱首故文之義法至史漢而已備
文之體製至八家而乃全學者必先從事於此而
後有成法之可循同上

孟涂游粵東余於賓谷方伯座上遇之越日見訪
又數日訪之於西關劉氏園姚石甫亦在坐談讌
極歡孟涂集中有喜遇張南山孝廉詩後四句云
城西少年昨相識痛飲狂歌傾倒極歌罷暮寒生

紫瀾海雲爲我變顏色卽詠是日事也又十餘日
復來話別余賦詩送之孟涂見贈詩云展我碧瑤
箋書君白雪篇孤花豔春色空翠點晴煙此筆自
今古有人來海天相逢無限意畱記暮雲邊次章
結云遲迴江上路卻是爲君畱似有惓惓難別之
意然當時年華甚富方謂後會有期豈意遂成永
訣今君沒已十載而余鬢亦蕭蕭二毛嗟乎異才
難得逝川不回三復遺篇惘然終日

聽松廬
文鈔

身雖死其名則不死矣

松軒
隨筆

孟涂七律有一種磊落伉爽之氣如涿州詠先主
云能教王佐出隆中百戰纔收取蜀功半世依人
同旅客一生知己是奸雄兵戎婚媾丹陽宴骨肉
君臣白帝宮今日故居遺跡盡不須恩怨說江東
謁王陽明先生祠云軍前儒服坐麾兵手挽銀河
轉太清曠古人誰繼諸葛一杯我獨奠先生身閒
未盡匡時略才大難辭講學名莫道奇功成太易

當年遭遇有王瓊

聽松廬
詩話

標題

喜雨歌

七古

力役謠

七古

過婁妃墓

七古

與石甫夜話有贈古五 憶浮山寄光栗園

比部古七 讀史古五 寄懷鮑覺生侍郎古七

素雲曲古七 渡海登小落伽山觀大洋

作歌古七 游黃山登蓮花峯古七 樓中醉

題雷別西湖古七

摘句 退念我身後追想古人前遙恨自天來飄

風與迴旋

朽脯投地上蟻見即來趨同類爭相賀貧

之歸堂隅忽然覆杯水平地成江湖棄脯

各逃生或至沒其軀富貴亦如此康衢多

畏途

昔者衛庾公古稱為端人不忍害孺子抽

矢而扣輪此事脫在今必曰非忠臣忠孝

本至性矯俗豈其真蘇章按友罪立名以

榮身俗儒或歎息識者謂非仁秉衷先既

薄安能厚君親嚴刻以為直世風滋不淳

不情即姦慝人語非無因

雲扶孤日定波靜百靈閒觀海

池光如出水石勢欲離山

只緣人去懶不是馬行遲

詩緣為客富酒到異鄉多

日高猶海氣風斷自江聲

敢因謀祿干知己直為驅愁作壯游

名士晚成關氣數英雄退步即神仙

俠士未逢求寶劍傾城難遇種名花

半生卷裏名山句一夜燈前四海心

異鄉花柳都無色故國蘼蕪亦有情

臨行已覺無他語別去偏多不盡心

寄家書

每逢歸客難言別纔近中年怕送春

愁多似髮來天外事遠如雲到枕邊

乾坤有我愁難遣仙佛無家願易成

眼前奇士誰爭命事後庸流善論人

道大不嫌為帝祖情多猶記送先師

謁老子祠

地有文詞開戰國天生芳草為離騷

楚南懷古

萬種悲懷成此序千秋驚歎只書名

蘭亭

千秋姊妹傾城福一代君臣快壻才

咏二喬

男兒三十休言困謝傅當年未出山

謝太傅墓

別去六年應念我南來千里為尋君

喜晤石甫

四海論才徧我獨一生知己更誰先

哭姬傳師

霄漢神交各十年君臨京洛我遊燕豈知

一夕論文地仍是三春故國天酬伯昂侍講見贈
相逢且盡今宵話別後書來總不如

少園詩人傳卷之二

天
伯昂

